



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 34. Interdictum in Anglia tollitur.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

pugnæ signum tuba datum. Haud pro-
cul post Regem stabat Capellanus, Hi-
storiæ hujus Scriptor, nempe Rigordus
monachus, & cum eo alius Clericus,
qui, audito æris militaris sono, Psalmos
centesimum quadragesimum tertium,
sexagesimum septimum, & vigesimum,
victoriam rogantibus congruos, erum-
pentibus lacrymis, decantarunt. Inita
vero est hæc pugna die Dominica, vi-
gesima septima Julii, anno millesimo du-
centesimo decimo quarto, atque victo-
ria nullatenus ambigua ex parte Regis
Philippi stetit. Ottonem Imperatorem
fuga abstulit, Comites Flandriæ & Sares-
beriensis capti. Eodem tempore Joan-
nem Regem Angliæ, exercitu in Terri-
torium Pictaviense exposito, Arcem *Ru-
pem Monachorum* dictam in ditione An-
degavensi obsidentem, Ludovicus, Re-
gis Franciæ filius, depulit. Ut hujus
diei lætitia ad posterorum memoriam
transmitteretur, Rex Philippus prope
Silvanectum Abbatiam *de Victoria* con-
didit, in quam Canonicos Regulares
Congregationis Parisiensis S. Victoris
invexit.

§. XXXIV.

Interdictum in Anglia tollitur.

Ad Festum Purificationis Joannes Rex
Romam miserat Joannem Episcopum
Nor-

Rigor. p.66.

Sæcul. XIII.

A.C. 1214.

Math. Par.
p. 208. 209.

Norwicensem, Richardum *du Marais* Archidiaconum Nordhumbrensem, duosque Viros Nobiles, qui Interdictum, quo tamdiu Anglia constricta fuerat, solvi peterent. Illi deinde, Joanne Rege ultra mare agente, reversi, Papæ Epistolam attulerunt, qua Nicolao Episcopo Tusculanensi imperabat; Interdictum tolleret, ea conditione, si Rex cautionem præstaret Archiepiscopo Cantuariensi, Episcopis Londinensi, Elifensi, aliisque, quod illata damna resarcire vellet. Nicolaus Legatus, acceptis his Papæ literis, amplissimum Concilium Londini in Ecclesia S. Pauli indixit, cui tam Episcopi quam Optimates Sæculares interfuerunt. Postquam pecuniæ summa, quam Rex conquerentibus Episcopis restituerat, fuit æstimata, apparuit, tredecim millia marcarum argenti superesse solvenda, qua de re duo Episcopi Wintoniensis & Norwicensis Fideijussores se se obtulerunt. Tunc autem in Festo S. Petri, die vigesima nona Junii anno millesimo ducentesimo decimo quarto, in eadem Ecclesia S. Pauli, Londinensis urbis Cathedrali, Legatus solemniter absolutionem ab Interdicto denunciavit. Cantatus est Hymnus, *Te Deum Laudamus*, pulsata campana, maximo totius Regni gaudio. Ceterum interdictum istud in Anglia annis sex, mensibus

bus tribus, & diebus quatuordecim, da-
 ma Ecclesiæ, sive temporalia, sive spi-
 ritualia spectentur, irreparabili, te-
 nuit.

Tunc vero complures, quibus Inter-
 dictum nocuerat, Abbates, Priores,
 Templarii, Hospitalarii, Abbatissæ, Mo-
 niales alique tum Clerici tum Laici,
 Legatum adeuntes, conquerebantur; se,
 quamvis equidem ex Anglia non fugis-
 sent, nihilominus a Rege ejusque præfe-
 ctis miserum in modum fuisse vexatos,
 ac proinde jure petere, ut in integrum
 restituerentur. Respondit Legatus; in
 mandatis suis nullam de ipsis mentio-
 nem fieri, nec licere sibi positos limites
 transgredi. Suasit autem, ut ad Papam
 se converterent, & sibi satisfieri postu-
 larent. Sed omnes, spe abjecta, ad sua
 redierunt.

§. XXXV.

Concilium in Urbe Montepessulano.

Anno sequente millesimo ducentesimo
 decimo quinto ineunte, ante diem
 decimam quartam post Natalem Domi-
 ni, Petrus Beneventanus Legatus in Ur-
 be Montepessulano Concilium celebra-
 vit, cui interfuerunt Archiepiscopi quin-
 que, Narbonensis, Augustæ Auscionum,
 Embrodunensis, Arelatensis, & Aquen-
 sis, cum Episcopis illarum regionum vi-
 ginti

Sæcul. XIII.
 A.C. 1214.